

Cor Poist ón nGaelAonad bunscoile d'Eanáir 2025

A chomhmhúinteoir,

Guíonn an GhaelAonad in Oide athbhliain faoi mhaise oraibh. Ba mhaith linn an deis seo a thapú eolas ábhartha don séasúr seo a roinnt libh.

Ullmhúchán don Teagasc agus don Fhoghlaim 2025

Reáchtálfar eispéireas foghlama gairmiúla (as Gaeilge agus as Béarla) in Ionad Oideachais timpeall na tíre a chabhróidh le múinteoirí maidir le hullmhúchán taifeadta ghearrthéarmaigh do Churaclam Teanga na Bunscoile. Tacófar le tuiscint athnuaithe ar 'Ullmhúchán don Teagasc agus don Fhoghlaim - Treoir do gach Bunscoil agus Scoil Speisialta' a fheabhsú agus a fhorbairt. Ina theannta sin, pléifear cleachtas athmhachnaimh a fhorbairt i do chomhthéacs scoile féin, ó thaobh an ullmhúcháin ghearrthéarmaigh de.

Cláraigh anois <https://oide.ie/ga/muinteoiri/>

Beidh an t-éispéireas foghlama gairmiúla seo ar fáil **as Gaeilge** sna hIonaid Tac-

aíochta Oideachais seo a leanas:

4 Feabhra 15.30-17.30 Áth Luain, Trá Lí, Gaillimh

6 Feabhra 15.30-17.30 Corcaigh

11 Feabhra 15.30-17.30 Maigh Eo agus Dún na nGall

12 Feabhra 15.30-17.30 BÁC Thiar

Athbhliain na Síneach 2025-Bliain an Nathair 龙年快乐

Tosaíonn bliain nua na Síneach ar 29 Eanáir agus déantar ceiliúradh ar bhliain an nathair. Is siombail de chríonnacht, gliceas agus solúbthacht atá sa nathair agus deirtear go bhfuil tréithe cruthaíochta, seiftiúlachta agus meabhrach ag an té a saolaítear ar Bhliain an Nathair. Leagtar béim sa teaghlach, sa phobal agus sa náisiún ina iomláine i dtéama na bliana seo.

Tuilleadh eolais faoi Bhliain úr na Síneach anseo ar PEIG.IE

<https://peig.ie/2020/01/5-thraidisiun-a-bhaineann-le-bliain-nua-na-sineach/> agus

Nuacht anois https://leighanois.com/alt?uimh_ailt=362



Leabhar na Míosa:

An Pota Folamh (Scéal Béaloidis ón tSín) scríofa ag Charlotte Guilain.



Seanscéal a bhaineann le traidisiún béil na Síne. Is buachaill óg macánta é Cheng, foraor, níl gach duine eile chomh macánta céanna leis.

Éist leis ar: <https://soundcloud.com/forasnagaeilge/an-pota-folamh>

Nó léigh in éineacht le Cúla4 ar scoil

Cuid 1: <https://youtu.be/GRJwwwCMg5g>

Cuid 2: <https://youtu.be/vtdtETf4d0o>

Cuid 3: <https://youtu.be/W2grp1KwEao>

Tionscadal FCÁT 2024/25

Tá an-áthas orainn go mbeimid ag tacú le breis is 50 scoil agus iad ag tabhairt aghaidh ar an dara bhliain d'FCÁT ina scoileanna. Beidh na scoileanna sin ag baint úsáid as an gcur chuige FCÁT chun an mhatamaitic a mhúineadh trí Ghaeilge.

Éascaíonn cur chuige FCÁT soláthar gnéithe den churaclam i nGaeilge i scoileanna a fheidhmíonn trí mheán an Bhéarla. D'éirigh go hiontach le breis is 80 scoil a thug faoin tionscadal seo don chéad uair sa chéad téarma. Rinne siad obair den scoth chun an Ghaeilge a spreagadh agus a shaibhriú ina scoileanna féin.

Tá tuilleadh eolais ar fáil ar ár suíomh ag an nasc [seo https://oide.ie/irish-medium/baile/fcat/](https://oide.ie/irish-medium/baile/fcat/)

Más maith leat tuilleadh léitheoireachta bunaithe ar an taighde is déanaí ón CNCM ar FCÁT/CLIL a dhéanamh, tá cáipéis ábhartha ar fáil [anseo](#)

Frásaí na Míosa

Nathanna don saibhreas teanga- Treoracha a thabhairt

- Chuir tú do chos sa chré (Chuir tú tús leis go daingean)
- Cuir do smaointe in iúl go soiléir (Inis dom go cruinn cad atá i gceist agat)
- Tóg do chuid ama agus cuir i gcrích i gceart é (Ná bí ag brostú)
- Déan do dhícheall, agus beidh an toradh sásúil (Má chuireann tú iarracht isteach, beidh tú sásta leis)
- Tá an cur chuige sin thar barr, maith thú agus lean ort (Tá an modh oibre sin an-mhaith)
- Ná bíodh drogall ort ceist a chur (Bíodh muinín agat ceisteanna a ardú)
- Déan machnamh faoin bhfadhb sula réitíonn tú í (Smaoinigh go cúramach ar dtús)
- Tá gach aon rud faoi smacht agat anseo (Tá gach rud in ord agus in eagar agat)
- Ná déan talamh slán de na sonraí beaga (Ná déan dearmad ar na nithe beaga)
- Mholfainn duit an obair a chur in ord tosaíochta (Tá sé níos fearr tús a chur leis na rudaí is tábhachtaí)

Samhail faoin aimsir

Chomh fuar le hoighear
Chomh fliuch le hiasc
Chomh taisfhuar le taobh na huaighe
Chomh tapaí le splanc tintrí
Sioc chomh sleamhain le gloine
Chomh geal le sneachta
Chomh liath leis an gceo
Chomh gasta le gaoth Mhárta
Chomh soiléar le grian an mheánlae
Chomh hionraic leis an ngrian
Chomh cinnte is atá an ghrian san aer!
Chomh guagach leis an ngealach.
Tá an gaoth chomh fuar leis an éag

Dán: Na Gaotha


https://www.youtube.com/watch?v=kXWWuFWJ_Ro

*An gaoth aduaidh bíonn sí crua
Is cuireann sí gruaim ar dhaoine*

*An gaoth aneas bíonn sí tais
Is cuireann sí rath ar shíolta*

*An gaoth anoir bíonn sí tirim
Is cuireann sí sioc istoíche*

*An gaoth aniar bíonn sí fial
Is cuireann sí iasc i líonta.*




Alt faoi Thuair na hAimsire:

https://www.leighanois.com/alt?uimh_ailt=349
<https://www.leighanois.com/~>

Seanfhocal na Míosa

*Ní hé lá na gaoithe lá na scolb (ná
lá na bpáistí!)*



Déan teagmháil linn ar eolas@oide.ie. agus leanaigí sinn ar  [@OidePrimGaeilge](https://twitter.com/OidePrimGaeilge)